



"O majko Harisova, u Džennetu su mnoge bašče, a tvoj sin je dospio u Firdevsi el-Eala (najljepšu)."

Enes, radijallahu 'anhu, prenosi da je Ummr-Rubejji' bint el-Bera', a ona je majka Harisa b. Suraka, došla Poslaniku, sallallahu alejhi ve sellem, i rekla: "Allahov Poslaniče, hoćeš li mi reći za Harisa, koji je poginuo na dan Bedra, pa ako je u Džennetu, ja ću saburiti, a ako je na nekom drugom mjestu, onda ću mnogo plakati zbog toga." Allahov Poslanik, sallallahu alejhi ve sellem, reče joj: "O majko Harisova, u Džennetu su mnoge bašče, a tvoj sin je dospio u Firdevsi el-Eala."

[Vjerodostojan] [Hadis bilježi imam Buhari]

Značenje hadisa: Harise b. Suraka je preselio kao šehid u bici na Bedru, pogoden je strijelom za koju se ne zna odakle je došla. Njegova majka došla je kod Vjerovjesnika, sallallahu alejhi ve sellem, da pita o tome kako je on završio, strahujući da možda nije među šehidima, jer je ubijen strijelom koja nije bačena sa namjerom i nije od onih koji je učestvovao u bici, kao što se navodi u hadisu: "Poginuo je na Bedru od zalutale strijele", tj. od strijele za koju se ne zna ko ju je bacio niti sa koje strane je došla. U predaji Ahmeda i Nesaije stoji da je Enes kazao: "Harise je izašao tražeći visoko mjesto i položaj kako bi mogao posmatrati neprijatelja i obavještavati o njihovom stanju, pa ga je pogodila strijela i ubila ga." Zbog toga, ona je kazala: "ako je u Džennetu, ja ću saburiti što sam ga izgubila i nadaću se nagradi kod Allaha, radujući se njegovoj pogibiji na Allahovom putu, a ako je na nekom drugom mjestu, onda ću mnogo plakati zbog toga, jer je gubitnik koji je proveo svoj život bez ikakve koristi." Allahov Poslanik, sallallahu alejhi ve sellem, reče joj: "O majko Hariseova, on je u džennetskim perivojima", kao što se prenosi eksplicitno kod Buharije: 'pa zar ima samo jedan džennetski vrt?! Ima ih, zaista, mnogo, a on je, zbilja, u najvišem - u Firdevsu." Ovdje se misli na posebno mjesto u Džennetu koje je najbolje i najuzvišenije. Zbog toga je Poslanik, kazao: "Molite Allaha za Firdevs, jer je on najuzvišeniji i najbolji dio Dženneta, iznad njega je Aršur-Rahman, a iz njega izvire džennetske rijeke." Najbolji dio Dženneta znači da je najvrijedniji, i najširi.

النجاة الخيرية
ALNAJAT CHARITY

